



Kommunit aaqqissugaanerisa allannguutaat pillugit Naalakkersuisut nalilersuinissamik suliaqaqqullugit peqquneqassasut Inatsisartut aalajangiiffigisassaattut siunnersuut. Aaqqissuussaannermi allannguutaasimasut pitsaaqautai ajoqutaalu nalilersorneqassapput, sumiiffimmilu demokratiimut kommunillu aningaasaqarnerannut sunniuteqarsimanersoq, kiisalu allaffissornikillisaaniarnermut siunertaasimasoq piviusunngortinneqarsimanersoq nalilersorneqassallutik. Nalilersuineq UPA2024 nallertinnagu Inatsisartunut agguaassorneqassaaq.

(Inatsisartunut ilaasortaq Aqqalu C. Jerimiassen, Atassut)
(Siullermeerneqarnera)

Demokraatit Atassut isummerfigisassatut siunnersuuteqarnerannut qutsavigaat.

Aallaqqaatigerusuppara Atassut nersuulaarlugu siusinnerusukkut oqallisaasunik ingerlatitseqiimmat, ingerlariaqqinniarsarigaluarneranullu siusinnerusukkut oqallisaasut tunngavigalugit. Siunnersuutip tunngavii ilalernartippakka.

Apeqquteqaat aallaavigalugu oqallinneq upernaakkut 2020 eqqaamavara. Taamani Demokraatinit oqarpugut:

"...Subsidiaritetsprincipet"-imut isumaqataavugut, tassanimi allannguutissatut siunnersuutit unammilligassanut qaninnerpaajullutik aalajagiunneqartartussaammata. Taamammallu isumaqarpugut kommunit suleqatigalugit ineriartornermut ungasinnerusumut isigisumut, nutaaliortuusumut inuinnaallu iliuseqarnissamut kiffaanngissuseqarneranut nalequssartariaqartugut. Assigisaannillu aatsorsuutigarpur komuunit naleqqussarnissaminnut piunmassuseqarnerunissaat namminerlu aaqqissuussisimanertik naleqqussassagaat, taamaalillutik tunngaviusumik suliasatik torrannerusumik, piuninarnerusumik, akikinnerusumillu ingerlassinnaanngorniarlugit, tamannalu naggataatigut naleqarnerulersitsissaaq.

Asserssutisialattut taarusupparput Kommuneqarfik Sermersuumi nittartakkatigut innuttaasunut qaninnerusumik tamat oqartussaaqataa nerat atuutilissamat, tassuunakkullu innuttaasut paasisutissanik pisariaqartunik misissuisinnanngussapput, aammalu apeqqutiminut akissutinik nassaarsinnaalutik, aammalu najugaqarfiup eqqaaniittunik pilersaarutaasunik paasisaqarsinnaallutik. Aammattaaq maani nammineq piunmassusertik tunngavigalugu sulisarneq qaffasippoq, taamaalillutillu kommunalbestyrelsi kommuniminni innuttaasunut tamanut iluaqutaasussanik aalajagiisarnissaminnut tunngaveqarluartarput."

Naallu digitaliseeriineq imminullu sullinneq innut ataasiakkaanut akisussaassutsimik kiffaanngissuseqarnermillu misiginissamut sakkussaalluaraluartut, aamma ajortortaqarput, toqqaannartumik sullinneqarnissamut periarfissat inummit-inummut minnerulersinneqarmata. Atassuteqarnermi ilisimasat pingaaruteqartut annaaneqarsinnaapput, aatsaalli najuunnermi pissarsiarineqarsinnaallutik. Ilaanullu peqateqarnermik misigissutsip toqqissisimanarnera aamma annaaneqartarluni. Taamaattumik eqiterutsitsinermit degitaliseeriinermullu pitsaaqutaasinnaasut



ajoqutaasinnaasullu akuersaarpakka, najugaqariaatsip ukiut ingerlanerini allanngorurujussuarsimanera kommunit aaqqissuuteqqinneqarneralli isummerfigineqarmat.

Aammattaaq oqalliffimmi uani killilersorneqarani oqallisissamik apeqquteqartariaqarpunga:

Sooruna inuit oqattussaaqataanerat taama sanngiitsigilersimasoq, Inatsisartut ataatsimiinnerisa aaqqissugaanerat ima siunertaqarmat inuit oqartussaaqataanerisa illersornissaat? Inatsisartuni ataatsimiittariaaserput allanngortittariaqarnerluni, inuit oqartussaaqataanerisa annertusineqarnissaat anguniarlugu?

Maani ataatsimiittariaasitta periarfissippaa, Inatsisartunut ilaasortat arlallit aamma kommunalbestyrelsini issiasinnaanngorlugit. Taamaakkaluartoq pisariaqartitsineq annertusisoq takuneqarsinnaavoq, ataatsimiittaliat nammineq kajumissuseq aallaavigalugu ingerlanneqartut kommunini siuarsarnissaat innuttaasut peqataatinneqarnissaat qulakkeerniarlugu inuillu oqartussaaqataanerat nukittorsarniarlugu. Allatut oqaatigalugu, uani politikikkut piginnaatitaaffiliisoqarpoq innuttaasunut qanillattuinnissamut naak, uagut politikkeritut, innuttaasunut aaliangiisartussaangaluartugut, suliassanut sinaakkusersuilluta nunaqqatigut sinnerlugit.

Taamaattumik erseqqissartuassavara, uagut politikkeritut kisitta politikikkut pisussaaffigatsigu toqqissisimanerup uppersnarsutsillu annertusarnissaat oqaloqatigiinnikkut qanilaarnikkullu. Uani oqallinnermi tapersiissutigisinnaasagut assigiinngitsorpassuupput, unamminnartortaasalu paasinarsarnissaannut peqataarusuppugut naliliinermik aallartittumik. Isumaqaarpugut, tamaaliornissamut piffissanngortoq. Aammattaaq piffissanngorpoq inuiaqatigiit nuttarnernulernissaat. Taamaattumillu naliliineq kommunini innuttaasut sullinneqarnerminni misigisaat aallaavigalugit pissaaq minnerungitsumik politikkerinut tatiginninnerat.

Ullut tamangajaasa, innuttaasut illoqarfanni nunaqarfinnilu innuttaasunik sullissinerup (amigaataasup) naammagineqannginnera tusartarparput; taamaattumik misissuineq pitsaasoq saqqummiuttariaqarparput, aaqqissuusseqqiinerup allanguutissaa taama annertutigisoq nalilissagutsigu. Isumaqaarpunga, pingaartuusoq misissuinermut atasumik kikkut akisussaasuunersut saqqummersissallugu. Ilumoorsinnaanngilaq una kisiat eqqaamassallugu, kommunini allaffiit suliassatik pingaernerit suliarisimagaat, aammali pingaartuuvoq misissussallugu politikikkut aqutissiuunneqarsimanersut inatsisitigut, nuna tamakkerlugu politikikkut aalajangersarneqartunik.

Naalakkersuisut 2015-imi kommunit suleqatigalugit aaqqissugaanerup aaqqissuuteqqinnera naliliiffigaat. Taanna allaffissornikkut annertunermik ingerlanneqartutut ippoq, taamaattumillu kissaatigaarput innuttaasut- aamma politikkip tungaaniit unamminnartortaasa erseqqissarneqarnissai aaqqiissutissanik, illoqarfinnut tulluussakkanik inuiaqatigiinnullu naleqarnerulersitsisunik aaqqiissutaasussanik nassaarniarloqassamat.

Taamatut oqaaseqarluta siunnersuut akuersaartumik suliarineqartussatut inatsisinut ataatsimiittaliatut ingerlateqqipparput.



DEMOKRAATIT
DEMOKRATERNE